

आबो आडेपासे रेयाक् जिनिसको

इकाई बाबोतते

नोआ इकाईर, आबो दो आयमा जिनिसबोन तोलासा जाहाँको दो आबोबोन बेनावा आर आडी नापायते ताहेंन लागित्बोन बेवहारा। आबोदो नोआ जिनिसकोबोन जेला, आरबोन बुजहावा जे नोआ दो चेत् जिनिसते बेनावाकाना, आर नोआ होंबोन तोलासा नोआ दो ओका खोन हिजुककाना। आबो दो नोआ सिरजोन जिनिस बाबोत गाहिरतेबोन गाण्डोना जे आबोदो नोआ जिनिसको ओकोय एमाबोन काना।

आबो दो आयमालेकान जिनिसबोन तोलासा आरबोन चेदा ओनाको आयमा होराते बेवहार चेकाते होय दाडेयाक्आ। इना छाडाकाते, आबो दो आपनार आडे-पासे रेयाक् बेकार जिनिसबोन जेला आरबोन चेदा जे आपनार आडे-पासे रेयाक् आतास फ़रचा आर निफ़ुट दोहोय लागित् ओना चेत्लेकाबोन लाडचाडा। नोआ सोफ़ोर दो आबो ओना जिनिसको बुजहाउ आर ओना सारहाव लागित् ए गोड़ोवाबोना जाहाँ दो आबो दिनाम हिलोक्बोन बेवहारेदा।



माचेतको लागि बाडायजोडाक्

नोआ इकाई दो 'आबो आडेपासे रेयाक् जिनिस' बाबोत मेनाक्आ। नोआ अध्याये सेलेत् आकान मोहोतानाक् अवधारणा रेयाक् बोरनोन लाताररे एमाकाना।

अध्याय 10: जिनिस रेयाक् दुनिया आबो दो आपनार आडेपासे रेयाक् जिनिस तोलास लागित्, जिनिस रेयाक् गहिरते जाँच-पोडताल लागित्, नोआ बाडाय लागित् ए गोडोवाबोन काना जे ओना दो चेत् जिनिसते बेनावाकाना आर ओका खोन हेच् आकाना आर नोआ बाडाय लागित् ए गोडोवाबोन काना जे ओकाटाक् जिनिस सिरजोन खोन हेच् आकाना आर ओकाटाक् जिनिस होड होतेते बेनावाकाना। इना छाडा, आबो दो आयमा लेकान जिनिस रेयाक् आयमा लेकान गुन होंबोन तोलासेत् काना।

अध्याय 11: जिनिसकोबोन बेनाव लेखान आबो दो आयमा लेकान जिनिस बाबोत बाडाय लागित् आर ओना चेत् लेकाबोनन बेवहारा, नोआ गोडोबोन जामा। सिरजोन जिनिस रेयाक् बेवहार काते ओडाक् चेतलेका बेनावोक्आ आर होड चेतलेका नावाँ डिजाइन आर लिखोन-गोडहोनको सोदोरेत् काना। आबो दो नोआबोन तोलासेत् काना। इना छाडा, आबो दो रुखिया नियम पालोन रेयाक् मोहोत बाबोतबोन गालमारावा।

अध्याय 12: माइला आर जोबरा रेयाक् जिमा हाताव लेखान नोआ काथा जोर एमावाक् होयोक् काना जे जोबरा सुही जायगा उदुक्आकात् जायगारे गिडी होयोक्आ आर ओना नापायते बाक्छाव होयोक्आ। आबो दो बेवहार आरो आर बेनाव दोहडा रेयाक् मोहोत होंबोन बोरनोन दाडेयाक्आ। इना छाडा, आबो दो आपनार ओडाक् आर आडेपासेरे फारचा आर रुखिया बेनाव दोहोय लागित् उपायबोन सेंदरायेदा।

उपहार लाटुम लागित् खोबोर कागोज बाडखान मारे किचरीच् बेवहार दो मित् सिरजोन साँव जोडाव हेवा कान जाहाँते दो जोबरा आर माइला कोम होयोक्आ आर सिरजोन जिनिस बाञ्चाव दोहो होयोक्आ।

नोडकान जिनिसको रेयाक् बेक्नाव बेवहारकाते, आबो दो एकेन आबोवाक् जोबरा दो बाडबोन कोमेत् काना, बिचकोम आपनार उपहार लागित् आपनार निजाक् सोम्पोक् होंबोन जोडावेत् काना।



- आयमालेकान जिनिस (धुतु, काट, काँच, प्लास्टिक, हासा, एमान) ते बेनावाकान आयमालेकान जिनिस जारवाकाते सोदोरेमे।
- दाँडाँन आर दाँडाँनको: जाहाँन कुली, आडेपासेरेन खेलावना बेक्नावको एमानको जेल आगुरेयाक् योजना बेनावमे से ओनको गिदरा साँव गालमाराव लागित् इस्कुलते होहोवाकोमे।
- केलासरे गिदराको लागित् बेकार जिनिस लागित् डस्टबिन (मित्टेन दो रोहोड आर मित्टेन दो लोहोत् जोबरा लागित्) बेनाव रेयाक् कामी-कासनी होय ओचोयमे।
- जोबराको रोहोड आर लोहोत् बेगार-बेगारकाते उदुगमे (जेलेका- तिकिन माँजान जोमकाते) नोआ गोटायेमे जे गिदरा दास्ताना आर मास्कको





0335CH10


જિનિસ રેયાક્ નોઆ દુનિયા



મા આપનાર આડેપાસેબોન કોયોક્ બાડાયા!

ખુશી દો આડી ડસારા ઇસ્કુલતેય સેટેરેના। જાલના ધોન સિજ ચાંદોવાક્ મારસાલ
હિજુક્કાન તાહેના આર કેલાસ મારસાલ આર આડી મોંજ ઝેલોક્કાન તાહેના। ખુશી
દો નોઆ ઝેલોક્લેકાન મિત્ ચિતારે કાબજાવ એ મેનેત્ તાહેના। નોળડે ઝેલમે ડની
દો ચેત્ એ બેનાવકેદા।

ચેકા આમદો ખુશીય બેનાવાકાત્ જિનિસ રેયાક્ ઢુતુમેમ લાઝ દાડેયાક્આ? એમાકાન
બાક્સારે ઓલમે।



ચેકા આમદો જાલના રેયાક્ કાંચેમ ઝેલજામેદા? ચેદાક્ બાડખાન ચેદાક્ બાડ?



का॒मी-का॒सनी

1

आमाक् केलासरूम बुजहाउमे

आमाक् नोटबुकरे आमाक् केलासरूम रेयाक् चितार बेनावमे। आमेम बेनावाकात् चिताररे जुतुम ओलाक्मे।

खुशी दो बाडाय साक्नाकेदेया, “नोआको जिनिस ओका खोन हेच्एना? नोआको दो ओकोय बेनावाकादा? नोआको चेत् जिनिसते बेनावाकाना?” उनी दोय हुदिस केदा।


देला खुशी नोआको तोलास लागित्बोन गोडोवाया। टेबुल आर कुरसी काटते बेनावाकाना। आबो दो काट ओका खोनबोन जामेत्काना?

दुवार रेयाक् काबोज, खुण्टी आर दुवार रेयाक् सिकड़ी जाहॉन धातुते बेनावोक् काना?



चेका आमेम बाडाय?

धातु दो धारती लातार खोन लाकाते जाहॉन चाटायनी आर गाड़धातेत् (ओना दो ‘अयस्क’ को मेतावाक्आ) खोन सोन्तोरते को ओडोका।



माचेतको लागित् बाडायजोडाक्

गिदराको आपनार आडेपासे रेयाक् जाहॉन धातु उडुक्आकोमे जेलेका- मेंडहेत्, ताँबा, एल्युमिनियम, सोना, रूपा, थर्मामीटररे पारा से मिश्रधातु जेलेका- स्टील, पीतल आर काँसा। मिश्रधातु दो धातु रेयाक् मेसाल काना।





धातुको पाछनावमे

नोडकान आयमा जिनिस बाङ्खान जिनिस रेयाक् हाटिज सेंदरायमे, जाहाँटाक् दो धातुते बेनावाकाना। आमदो आपनार आडेपासे रेयाक् ओकाटाक् धातुम पाछनावेत् काना? जुदी आमदो धातु रेयाक् जुतुम बाम बाडाया, आमरेन गातेको बाङ्खान जाहाँय लाटु होइ कुलीकोम। आमाक् नोटबुकरे नोआको धातु रेयाक् लिस्टी बेनावमे।



तोलासमे

केलासरे आरहों एटाक् जिनिस, जेलेका पाटया, बॉल्ल आर बिजली रेयाक् स्विच नोआको चेतते बेनावोक् काना।

जिनिसको होतेते!

खुशी दो आयाक् डेस्क्रेय दुडुप् आकान ताहेना। उनी दो मित्तेन दारे मौज बाहाते लादे पेरेच् आकान ए जेल दाड़ेयाक् काना। उनी दो ओना जोटेद लागित् ए लाहायेना। उनीयाक् ती दो काँच रेयाक् कुटरा साँव जोटेत् एना। लाहा दो खुशी दो काँच रेयाक् सीसा बाय जेल लेदा। ओना दो काँचते बेनावाकान ताहेना आर उनी दोय बुजहाउ जामकेदा जे उनी दो काँच खोने हों बाहा आर दारेकोय जेलजाम दाड़ेयाक् काना। काँच दो नोडका मेनाक्आ!

- चेका आमाक् जालनारे काँच रेयाक् सीसा मेनाक्आ?
- चेका नोआ खोनेम जेल दाड़ेयाक्आ?
- आमदो चेतएम जेलेदा?





जिनिसको ते ढेलमे

आमाक् आडेपासे खोन आयमालेकान जिनिस रेयाक् काटिच्-काटिच् जिनिस जारवायमे जेलेका- बोतोल, कागोज, किचरीच् आर बोरतोन एमान। ओना खोन बॉल्व रेयाक् मारसाल बाडखान मोमबत्ती रेयाक् जोलोक्तेत् जेलमे। जाहाँटाक् जिनिस दो आम आडी साफातेम जेल दाड़ेयाक्आ, जाहाँटाक् दो थोडाम जेल दाड़ेयाक्आ, आर जाहाँटाक् दो आम एकालगे बाम जेलजाम दाड़ेयाक्आ। नोआको जिनिस ओतोड-तायनोमकाते ओलमे। सानाम खोन लाहा दो ओना जाहाँटाक्ते साफाते जेल पारोमोक् काना, आर मुचात्रे दो ओना जाहाँटाक्ते एकाल बाड जेल पारोमोक् काना।



साफाते ढेल पारोमोक् काना	थोडगान ढेलपारोमोक् काना	एकालते बाड ढेल पारोमोक् काना

आमाक् धेयान दोहोयमे!

सिज चाँदो मित् लागाव आलोम जेलेया - जाहाँन जिनिस होतेते बाडखान सीदहा हों। नोडका काते दो आमाक् मेंत्रे लोकसान पाडावोक्आ। जासती लेकानाक् काँच रिडीमगे ताहेंना।

जाहाँन जिनिस खोन जेल पारोमोक् काना, ओना दोको मेतावाक्आ रिडीम बाडखान जेल पारोमाक्। आरहों मित् नोडकान जिनिस रेयाक् जुतुम लाइमे जाहाँटाक् दो रिडीम गया।




काँच खोन दो जेल पारोमोक्आ, मेनखान काट खोन दो बाड जेल पारोमोक्आ। धातु जाहाँ खोन बाड जेल पारोमोक्आ, ओना दो बाड जेलपारोमाक् को मेतावाक्आ।



काँच दो जेलपारोमोक्आ मेनखान काट दो बाड जेलपारोमोक्आ।

जाहाँटाक् जिनिस दो तालारे मेनाक्आ - ओनाते दो थोड़ा-थोड़ा जेलोक्आ। ओनादोको मेतावाक्आ पारभासी। नोडकान धातु सेंदरायमे जाहाँटाक् दो पारभासी काना।



काँमी-कासनी

4

देला दुनियाबोन रोडा!

आयमा रोड रेयाक् बारया बाडखान पेया जेल पारोमाक् बैग, बोतोल से पातला किचरीच् जारवायमे। ओनाते पोण्ड कागोज रेयाक् मित् पेज जेलमे

- चेका कागोज रेयाक् रोड बोदोलोक् लेका जेलोक् काना?
- जोखोन आमदो ओना पातला लील प्लास्टिक से काँच तेम जेलेदा, चेका पोण्ड कागोज बेगारगे जेलोक् काना? बाडखान पातला सासाड प्लास्टिक से काँच?
- चेका आयमा जिनिस रेयाक् रोड बोदोलोक् लेका बुजहावोक् काना? पातला सासाड प्लास्टिक खोन लील जिनिस चेतलेका जेलोक्आ?
- चेका आमदो लाहा जाहाँतिस रोडान जेल पारोमाक् जिनिसकोम जेल बाडावाकादा?नोडकान आटकार दिसाय रेयाक् कुरुमुटूयमे।



नोआ दो चेत् जिनिसते बेनावाकाना?

देला नित दो खुशीयाक् केलासते बोन रूवाड चालाक्आ।



ओलमे

चेन खेल

- लाताररे एमाकान तालिकारे खुशी दो जिनिस रेयाक् ओना बेनावाकान काचा माल लेकातेय हाटिज आकादा। ओनाको जिनिस रेयाक् लिस्टी तालिका रेयाक् पाहिल कॉलमरे मेनाक्आ। जाहाँनाक्ते बेनावाकान ओना काचा माल रेयाक् जुतुम दोसार कॉलमरे एमाकाना।
- तालिका रेयाक् तेसार कॉलम दो आम पुराउ होयोक् तामा। नोण्डे नोडकान जिनिस रेयाक् जुतुम ओलमे, जाहाँटाक् दो आमेम जेलाकात् काचामालते बेनावाकाना। आमाक् आडेपासेरे मेनाक् जाहाँन जिनिस नोडकान काचा मालते बेनाव होय दाडेयाक्आ जाहाँटाक् दो नोआ लिस्टीरे बानुक्आ, जेलेका- हासा आर रबर खुशीयाक् लिस्टीरे बानुक्आ। तालिकारे आरहों मित् बाडती कॉलमेम जोड़ाव दाडेयाक्आ।

खुशीयाक् लिस्टी	जिनिस रेयाक् जुतुम	नोआ काचा मालते बेनावाकान जिनिस नोआ दो आमाक् केलासरूम बाडखान ओड़ाक्रे मेनाक्आ।
टेबुल, कुरसी, दुवार	काट	पारतुल लेकाते, पेन्सिल
दुवार रेयाक् काबोज, जालाइ	धातु	
जालना रेयाक् सीसा, बिजली बॉल्ब	काँच	
बिजली रेयाक् स्विच	प्लास्टिक	

नोआको काचा माल ओका खोन हिजुक् काना? चेका आम ओना रेयाक् उदगावेम तोलास दाडेयाक्आ?

पारतुल लेकाते, काट - दारे

धातु -

किचरीच् -



चेका आमेम बाडाया?

काँच दो गितिलते बेनावाकाना!





आमरेन गोडोमबा आर बुडी गो साँव गालमारावमे

- चेका आबेन हुडिज ताहेंन जोखान नोआको जिनिस मित् काचा माल तेगे बेनावोक्कान ताहेंना?
- चेका नित जाहाँन काचा माल मेनाक्आ जाहाँको दो आबेन लाहा बाबेन जेलाकात्आ?
- चेका नोडकान जाहाँन काचा माल मेनाक्आ जाहाँटाक् दो आबेन हुडिज ताहेंन जोखानबेन जेल लेदा, मेनखान नित दो ओना रेयाक् बेवहार बाड होयोक् काना? चेदाक्?

आयमा लेकान काचामाल बेगार-बेगार जेल दाड़ेयाक्आ। चेका ओनाको दो एटाक् होरा खोन हों बेगार गया? चेका आम आमाक् मेंत् ज़पित् काते हों जाहाँन ६ णातुम पाछनाव दाड़ेयाक्आ?



- आमाक् चामोच चेत् काचा मालते बेनावाकाना?
 - चेका नोआ दो धातु, काट से जाहाँन एटाक् काचा मालते बेनावाकाना? चेका आम आमदाजेम लागाव दाड़ेयाक्आ?
- नोआको मुदरे ओकाटाक् साबाद से काथा चामोच रेयाक् ए बोरनोन एदा?

चिकाँड	रूगधु	कोमजोर	झालकाक्आक्
जाहाँटाक् जोटेतरे रेयाड बुजहावोक्आ			





कामी-कासनी

5

ओना रूयमे आर उनी आम साँव ए गालमारावा! ऑर्केस्ट्रा

धातु रेयाक् मित्तेन चामोच आर आयमा लेकान काचा मालते बेनावाकान कोम-से-कोम मोडें गोटेन जिनिस हातावमे- काट, धातु, प्लास्टिक, किचरीच् आर काँच। मिमित् जिनिसरे चामोचते बाय-बायते रूयमे। मिमित् जिनिस रेयाक् आडाड आँजोममे। सानाम आडाड रेयाक् बोर्नोन लागित् आमाक् आपनार साबाद बेनावमे।

ओनाको आडाड साबादरे रोड लागित् कुरुमुटूयमे, जेलेका- टिंग-टिंग ढम-ढम, डब-डब,

नित दो आमाक् आपनाराक् बीट तेलारमे।

टिंग, टिंग, थाक, थाक
टिंग, थाक, टिंग, थाक!



चेका नोआ लाटुमोक्आ?

खुशीयाक् टेबुल काटते बेनावाकाना। टेबुल बेनाव लागित् आरहों चेत् बेवहारोक्आ? चेका आबो दो टेबुल बेनाव लागित् किचरीच् बाडखान रबरबोन बेवहार दाडैयाक्आ? चेदाक् आर चेदाक् बाड?

काट दो केटेच् आर सोकतोगे ताहेंना मेनखान किचरीच् दो लाबित् आर लेबडेच्गे ताहेंना। किचरीच् रेयाक् लेबडेच् नोआ किचरीच् आर पारदा बेनाव लागित् बाडतीय गानोक्आनाक् ए बेनावा। हुदिसमे जुदी किचरीच् काटते बेनाव लेनखान!



ओलमे

बे-सोमान जुडी

मोडें गोटेन जिनिस रेयाक् लिस्टी बेनावमे आर ओना नोडकान काचा माल साँव जुडीयमे जाहाँटाक् दो ओना लागित् बाड गानोक्आ! बोर्नोनमे नोआको काचा माल नोआ जिनिस बेनाव लागित् चेदाक् कामीरे बाड लागावोक्आ। मित् पारतुल आम लागित् एमाकाना।



लेखा	जिनिस	काचामाल	कारोन
1.	चातोम	कागोज	दाक्ते लोहोत् लेनखान कागोज लोहोदोक्आ
2.			
3.			
4.			

चेका नोआ दो आतुक्आ?

आयाक् 'बे-सोमान', बाबोत खुशी दो लान्दावातेय ओलाकादा, "भित दो दाक्ते बाड बेनाव दाड़ेयाक्आ।"

आबो दो दाक् रेयाक् भित बाडबोन बेनाव दाड़ेयाक्आ चेदाक् जे ओना दो जुंरहाक्आ। दाक् भित साँव आर चेत् होय दाड़ेयाक्आ? भित बेनाव लागित् आबो दो धिरी, ईटा से काट लेकान केटेच् जिनिसको रेयाक् लागती होयोक्आ। जाहाँ जिनिस आयाक् मुठान बाय बोदोल दाड़ेयाक्आ ओना दो 'ठोस' को मेतावाक्आ।

दाक् दो आयाक् मुठान बाय दोहो दाड़ेयाक्आ - नोआ दो आतुक्आ। होय दो पासनावोक्आ, मेनखान बनार रेयाक् होरा बेगार गया। जुदी आमदो दाक् कपरेम दुला, तोबे ओना दो कप रेगे ताहेंना। दाक् दो 'आतुक् जिनिस' काना। होय दो कपरे बाड ताहें दाड़ेयाक्आ, ओना दो भितरी बाहरे चालाक् तेगे ताहेंना। ओना दो नोआ इयाते चेदाक् जे होय दो गैस काना।


ओनाते जिनिसको केटेच् जिनिस (ठोस), आतुक् जिनिस (द्रव) आर गैस रेबोन हाटिज दाड़ेयाक्आ।



केटेच् जिनिस



आतुक् जिनिस



गैस






देला नोआ एटाक् होराते बोन हाटिजा!

नोण्डे थोड़ा जिनिस रेयाक् जुतुम एमाकाना: काली, धिरी, धुआँ, बोरोफ, भाप, चामोच, दुमुर रासा, बोतोल, थाइलाक्, दाक्।

जुदी नोआ केटेच् जिनिस काना, तोबे ओना रेयाक् जुतुम ट्रेरे ओलमे; जुदी नोआ आतुक् जिनिस काना, तोबे ओना रेयाक् जुतुम बोतोलरे ओलमे; जुदी नोआ गैस काना, तोबे ओना रेयाक् जुतुम बैलूनरे ओलमे।



ट्रे, बोतोल आर बैलूनरे आमाक् जाहाँन जिनिसको जुतुम ओलमे।

जाहाँटाक् जिनिसको रेदो सोन्धो होय दाड़याक्आ, जेलेका गितिल, स्पंज आर हासा। नोडकान आरहों जिनिस पाछनावमे आर ओनाको मुदरे कोम-से-कोम पेयावाक् जुतुम ओलमे।

माचेतको लागि बाडायजोडाक्

रबर, फाइबर आर मोम लेकान जिनिस सिरजोन लेकाते दारे आर जानवार खोन जामोक् काना, मेनखान नोडकान जिनिस मानवाँ होतेते हों बेनावोक् काना। पारतुल लेकाते, दुमुर से लुती दो आकोवाक् छाता लागिन् मोमको बेनावा, मेनखान पेट्रोलियमते हों नोडकान मोम बेनावोक् काना। पेट्रोलियम दो आतुक् जिनिस काना, ओना दो ओत लाताररे जामोक्आ। पेट्रोल, रॉकेल, डीजल एमान पेट्रोलियम खोन ओडोकोक् जिनिस काना। पेट्रोलियमते बेनावोक् जिनिस, जेलेका- पेट्रोल, प्लास्टिक, रबर से पैराफिन मोम, 'बेगोर-बायोडिग्रेडेबल' बेकार जिनिस बेनावोक् काना। नोआ मोत बाबोत केलास 3 रे गालमाराव होय आकाना, आर ओना खोन बाड़ती बानाडाय ताथोम केलास लागिन् बागी होय आकाना।



सिरजोन खोन जानाम आकान - मानवाँ होतेते बेनावाकान

खुशी दो मित्तेन उल दारे रेयाक् चितार ए बेनाव केदा, ओनारे उल जोवाकाना आर मित्तेन चेंडें दारेरेय आप् आकाना। दारे, उल आर चेंडें मानवाँ होतेते बाड बेनावाकाना, बिचकोम सिरजोन खोन सोभाव लेकाते जामोक्आ। जाहाँन जिनिस आच्तेगे दुनियारे मेनाक्आ ओना दो 'सिरजोन खोन जानाम आकान' से 'प्राकृतिक' बो मेतावाक्आ। सिरजोन रेयाक् जिनिस जिवेत् होय दाड़ेयाक्आ, जेलेका- दारे आर जानवारको से बेगोर जिवेत् हों होय दाड़ेयाक्आ, जेलेका- चाटाइनी से धिरी, दाक् आर होय।



मानवाँ होतेते बेनावाकात् जिनिस दो 'कृत्रिम' बो मेतावाक्आ, जेलेका- किचरीच्, पानाही, टेबुल एमान।

बानार दोलरे मोंडें गोटेन काते जिनिस लिस्टीयमे।

- सिरजोन खोन जानाम आकान:
- मानवाँ होतेते बेनावाकात्:

नोआ खोन तायोमाक् अध्यायरे आबो दो नोआबोन बाडाया जे जिनिस चेत्लेका बेनावोक्आ।



तोलासमे

चेका आमदो नोडकान दारेकोम जेलाकात्आ जाहाँको दो बोछोर रेयाक् बिसेस ओकते रेगे बाहा आर जोक्आ? जुदी आमदो उल बेलेम जोम बाडावाकात् खान से बाजारकोरेम जेलाकात् खान से गोटा बोछोर उल दारेम जेलाकात् गया, तोबे आमदाज लागावमे खुशी दो बोछोर रेयाक् ओका ओकते नोआ चितार ए बेनाव लेदा? चेका नोआ दो जनवरी से जून आडेपासे रेयाक् होय दाड़ेयाक्आ?



माबोन तोलासा

क. ओलमे ओलमे

आबो आडेपासे रेयाक् जिनिस आयमा लेकान काचा मालते बेनावोक् काना। पेया काचामाल रेयाक् जुतुम ओलमे जाहाँको दो आबो जावगे आपनार आडेपासेरे बोन जेलेत् काना।

ख. गालमारावमे

जुदी आमदो झालकाक्आक् चामोचेम जामकेदा। आमदो बाम बाडाया जे नोआ दो धातुते बेनावाकाना से जाहाँन एटाक् जिनिसते आर झालकाक्आक् रोडते रोड आकाना। आमदो चेकाकाते नोआम बुजहावा?

ग. चितार बेनावमे

पेया सिरजोन खोन जानामाकान आर पेया मानवाँ होतेते बेनावाकान जिनिस रेयाक् चितार बेनावमे।

घ. नोआ कामीयमे

जोडा मिलाउमे

जेल पारोमाक्

पारभासी

बाड जेल पारोमाक्

कागोजते बेनावाकान लैप रेयाक् उमुल

थारी

चोसमारे बेवहारोक्कान काँच

